

62

23. júní

2. gr.

Á eftir lagagr. kemur ný gr., svo hljóðandi:

Ógreiddar eftirstöðvar af kaupverði prestsmötukvaða, sem keyptar hafa verið samkvæmt eldri lagafyrirmælum, skulu lækkaðar í samræmi við ákvæði 1. gr. og afborganir færðar niður að sama skapi fyrir þau ár, sem eftir eru greiðslutímans.

3. gr.

Lög þessi öðlast þegar gildi.

Eftir þessu eiga allir hlutaðeigendur sér að hegða.

Gjört í Reykjavík, 23. júní 1936.

Undir Vor konunglega hönd og innsigli.

Christian R.

(L. S.)

Hermann Jónasson.

63

23. júní

L Ö G

um sérstaka heimild til að afmá veðskuldbindingar úr veðmálabókum.

Vér Christian hinn Tíundi, af guðs náð konungur Íslands og Danmerkur, Vinda og Gauta, hertogi í Slésvík, Holtsetalandi, Stórmæri, Þéttmerski, Láenborg og Aldinborg,

Gjörum kunnugt: Alþingi hefir fallizt á lög þessi og Vér staðfest þau með samþykki Voru:

1. gr.

Sýslumenn og bæjarfógetar í þeim lögsagnarumdæmum, þar sem ekki voru afmáðar veðskuldbindingar úr veðmálabókum samkvæmt lögum nr. 20 1933, skulu þegar eftir að lög þessi öðlast gildi gera skrá, hver fyrir sitt umdæmi, um þau þinglýst veðbréf í fasteignum, sem dagsett eru fyrir 1. janúar 1905 og ekki hafa verið afmáð úr veðmálabókunum.

Í skrár þær, sem um er getið í 1. málgr., skal þó ekki taka þau fasteigna-veðsbréf, er standa skulu um aldur og æfi eða alla lífstíð eins eða fleiri eða tiltekinn tíma, svo langan, að þau hafi ekki átt að vera greidd að fullu fyrir 1. janúar 1930.

2. gr.

Þegar skrár þær, sem í 1. gr. getur, eru fullgerðar, skal hlutaðeigandi dómari senda eigendum þeirra fasteigna, sem veðsettar eru, og eigendum veðbréanna fyrirsögn um, hvort veðskuldin muni vera greidd eða ekki.

Nú bera afsals- og veðmálabækur ekki með sér, hver er eigandi fasteignar,

og er dómara þá ekki skylt að senda honum fyrirspurn eftir 1. málsgr. þess- 63
 arar gr., nema hann á annan hátt viti um eigandann. Hið sama er, ef veðbréf 23. júní
 sýnir ekki, hver er eigandi þess, eða hann er látinn eða óvíst er um bústað hans
 eða hann er fluttur af landi burt, eða stofnun á í hlut, sem liðin er undir lok.

3. gr.

Nú berst dómara svar eða svör við fyrirspurn, sem hann hefir sent sam-
 kvæmt 2. gr., og skal hann þá, ef það eða þau að álit hans sýna, að veðbréf
 það, sem við er átt, sé ekki greitt að fullu, gera athugasemd um þetta í veð-
 málabókina, þar sem veðbréfið er skráð, og í fasteignaskrána. Jafnframt gerir
 hann athugasemd um þetta í skrá þá, sem í 1. gr. getur.

4. gr.

Nú eru liðnir 4 mánuðir frá því fyrirspurnir þær, sem um er rætt í 2. gr.,
 voru sendar, og skal þá dómari gefa út opinbera stefnu í samræmi við regl-
 urnar um ógildingu viðskiptabréfa með dómi, til ógildingar þeirra veðbréfa,
 sem í skrá eru tekin samkvæmt 1. gr. og ekki falla burt eftir reglum 2. og 3.
 gr. Stefna skal í einni stefnu í lögsagnarumdæmi hverju, og birtir dómari stefn-
 una þrisvar í Lögbirtingablaðinu. Fyrir birtinguna greiðist ekkert gjald.

Stefnur samkvæmt þessari gr. skal birta fyrir 1. apríl 1937.

5. gr.

Þau mál, sem 4. gr. ræðir um, skulu rekin fyrir aukarétti, þar sem dómari
 er búsettur. Réttargjöld greiðast ekki í þeim málum.

6. gr.

Nú gefur einhver sig fram á þeim degi, sem til er tekinn í stefnunni, eða
 áður, og færir þær líkur eða sannanir, er dómari tekur gíldar, fyrir því, að það
 veðskuldabréf, sem um ræðir, sé ekki að fullu greitt, og fellur þá málið niður,
 að því leyti sem það bréf snertir, en dómari gerir athugasemd í veðmálabók
 um þetta eftir reglum 3. gr.

7. gr.

Nú gefur einhver sig fram og skýrir frá, að umstefnt veðskuldabréf sé enn
 í gildi, en að það hafi glatazt fyrir honum, og skal honum þá veittur frestur,
 ekki styttri en 1 mánuður og ekki lengri en 6 mánuðir, til þess að færa sönn-
 ur á það, að eigandi hinnar veðsettu eignar kannist við veðskuldbindinguna eða
 að veðhafi hafi undirbúið málssókn til ógildingar bréfinu. Ef veðhafi gerir
 hvorugt, fer um bréfið eins og segir í 8. gr., en kannist eigandi fasteignarinnar
 við veðskuldbindinguna, fer um það eftir 6. gr., ella skal bíða dóms í hinu nýja
 máli, og fer þá um bréfið eftir úrslitum hans.

63

23. júní

8. gr.

Um þau veðskuldabréf, sem enginn gefur sig fram sem eigandi að í síðasta lagi á þeim degi, er stefna tilgreinir, skal með dómi ákveða, að þau megi afmá úr veðmálabókum, og skal það síðan gert ókeypis og vísað til heimildar í dóminum.

9. gr.

Lög þessi öðlast þegar gildi.

Eftir þessu eiga allir hlutaðeigendur sér að hegða.

Gjört í Reykjavík, 23. júní 1936.

Undir vor konunglega hönd og innsigli.

Christian R.

(L. S.)

Hermann Jónasson.

64

23. júní

L Ö G

um löggilding verzlunarstaðar í Hjarðardal í Önundarfirði.

Vér Christian hinn Tíundi, af guðs náð konungur Íslands og Danmerkur, Vinda og Gauta, hertogi í Slésvík, Holtsetalandi, Stórmaeri, Þéttmerski, Láenborg og Aldinborg,

Gjörum kunnugt: Alþingi hefir fallizt á lög þessi og Vér staðfest þau með samþykki Voru:

1. gr.

Í Hjarðardal í Önundarfirði skal vera löggiltur verzlunarstaður.

2. gr.

Lög þessi öðlast gildi þegar atvinnumálaráðuneytið hefir ákveðið takmörk verzlunarlóðar, samkv. lögum nr. 61 10. nóv. 1905, og birt í B-deild stjórnartíðindanna.

Eftir þessu eiga allir hlutaðeigendur sér að hegða.

Gjört í Reykjavík, 23. júní 1936.

Undir Vor konunglega hönd og innsigli.

Christian R.

(L. S.)

Haraldur Guðmundsson.